

新刻張太岳先生文集

新刻張太岳先生詩集卷之一

江陵 叔大張居正 著

後學

雷思霈

校

馬啟圖

繡谷唐國達 梓

五言古

恭述 祖德詩

赫赫我太祖應運開鴻基仗劔起濠梁羣雄摧若
遺威德加四海混沌分兩儀勲華信巍煥典則仍貽
垂成祖靖內難桓桓東征師奠鼎卜燕朔犁庭掃

兇夷武功旣燁赫文命迺丕釐瑤圖仰再造萬國歌
重熙 景陵躬睿質披覽復忘疲敘衽接三輔一德
無猜疑大淵間臨幸政務日疇咨大哉 帝訓編道
法何纚纚 孝皇具至性恭已秉謙祗內庭遠筭幸
外囿絕遊嬉崇儉嘗却貂聽言猶轉規太平十八祀
萬姓有遺思 肅祖起南服龍飛會昌期屬當改絃
初制作命夷夔論道闡敬一明倫垂典彝 九重握
金鏡太阿恒自持臨御逾四紀恭已化無爲 二祖
肇皇綱 三宗奠天維成功燭宇宙濊澤洽蒸黎
我皇亶神聖明兩赫重離河山光大業 宗社錫繁

禧締構想艱難豐芑思燕詒儀刑見堯牆謨訓遵養
龜率乃祖攸行萬世永有辭愚臣備樞軸理道慚無
裨敬陳祖德篇惟帝其念茲

恭勵聖學詩一首

元后輔萬邦綏猷良不易若稽古哲王多聞乃建事
堯舜帝者宗精一闢微義夏禹既祗德殷高亦遜志
成后務糾熙周詩詠小志衍敷休烈光英聲播來嗣
今皇體獻明冲齡纂神器爰當訪落初卽敞金華
秘書帷簡儒彥藝圃覃文思朝旻不遑暇寒暑靡暫
離宸宇仰休明風雲慶遭際願以謏陋質無能補天

地願言崇 聖功問學登純懿勿云天聰明無爲事
博識圖書足自娛兼之益神智勿云富春秋茂葉聊
可諉寸陰重逾璧居諸易流駛勿云履崇高優游保
天位君心苟縱逸萬幾遂顛墜勿云當燕閒可以快
志意一暴而十寒細行終爲累戒彼鴻鵠心專精道
乃致瞽御必端良勿狎於非類爲山九仞崇成功歸
一簣慎初惟克終永保無虞治愚臣職司規敢以告中

恭頌 母德詩一首

聖化基中閭坤儀貞萬方塗山翼殷啓文母誕周王
徽音著彤管奕奕流芬芳我 明肇造初孝慈佐高

皇艱難扶景運在宥相乾綱補苴感將士採拮親蚕
桑居貴不忘儉大練爲衣裳 文皇勤厥家亦田內
德良思媚惟 仁孝箴言足贊襄嘗爲女訓篇睿謨
何洋洋呂霍垂永鑒寵溢慎其防休哉 二后烈邁
彼妣與姜貽謀及來裔繩繩慶方將猗歟我 聖母
世德宣重光扶 天致昇平毓 聖纂靈昌履盛彌
勤恪秉禮日矜莊內庭政無譁外家恩有常明達信
如此焉鄧豈足望 九重勤孝養萬寓際時康永言
綏壽祉地久與天長

擬西北有織婦

西北有織婦容華豔朝光朝織錦繡段暮成龍鳳章
投杼忽長吁怒焉中自傷綿綿憶遠道悠悠恨河梁
遠道不可見淚下何浪浪春風捲羅幙明月照流黃
山川一何阻雲樹一何長安得隨長風翩翩來君傍
願將雲錦絲爲君補華裳

東李鵲野

同居長安城累月阻談讌雖無簿領急嬰此微痾患
日夕想音徽蹢躅夜參半况茲霜霰積淒其歲云晏
靡靡衆芳萎苒苒物候變已愴世慮嬰兼之越鄉歎
非君慰寂寥幽思何由見

述懷

豈是東方隱沉冥金馬門方同長卿倦臥病思梁園
蹇予秉微尚適俗多憂煩側身謬通籍撫心愁觸藩
臃腫非世器緬懷南山原幽澗有遺藻白雲漏芳蓀
山中人歸衆卉森以繁永願謝塵累閒居養管魂
百年貴有適貴賤寧足論

送高廉泉之任

秋風振燕山念子當遠征離鴻遵別渚驚呼求其朋
征馬鳴蕭蕭僕夫促嚴程願言不能終揮涕沾長纓
歡觴爲悲酌清絃動哀聲携手臨廣陌含情各酸辛

風塵何擾擾世途險且傾勉哉崇令德慰此離索情

送黎忠池二首

在昔同心秘出入承明闥蹇余陋劣姿謬得偶賢達
慷慨金蘭契晤言懷抱豁如何歡讌促倏忽萬里別
婉戀夙昔意一旦成契闊閩海出悠悠征途候明發
感舊思方積悵遠情彌惓一望潞河水愁心不可越
余有歸與與抱病淹朝秩君懷濟世心攬轡辭皇邑
以茲負羈羽羨彼搏雲翼況多感慨情世慮纏胞臆
盈盈別淚泫漫漫岐路及不惜去日遠我懷誰與析
世路方嶮巇修名苦難立願以皓首期無爲素絲泣

適志吟

有欲苦不足無欲亦無憂義和振六轡駒隙無停留
我志在虛寂苟得非所求雖居一世間脫若雲煙浮
芙渠濯清水滄江飄白鷗魯連志存齊綺皓亦安劉
偉哉古人達千載想微猷

蒲生野塘中

蒲生野塘中其葉何離離秋風不相惜靡爲泉下泥
四序代炎涼光景日夕馳榮瘁不自保倏忽誰能知
愚暗觀目前達人契真機履霜知冰凝見盛恒慮衰
種松勿負垣植蘭勿當逵臨市嘆黃犬但爲後世嗤

羽林郎

霍家蒼頭兒姓馮名子都寵借將軍恩身為執金吾
朝遊平樂觀暮宿酒家壚青絲牽驪馬觀者隘路衢
關雞狹邪道結客平陵隅杯酒吐然諾千金爲錙銖
司隸不敢問豪吏徒肝膽勢利可薰人寧論知與愚
吁嗟原憲輩白首困桑樞

余有內人之喪一年矣偶讀韋蘇州傷內詩愴
然有感

昔人怨離居余亦羅斯患銜情對嘉藻掩卷空長嘆
蹇薄邁運屯中路棄所歡嫵婉一何從飲此長恨端

離魂寄空館遺嬰未能言玉匣拚明鏡塵埃雙帶盤
感此意慘愴觸物憂思攢落月挂虛牖淒霜生暮寒
沉綿夜方永倏忽歲已單滯慮信爲感幽懷詎能寬
悲哉難具陳淚下如迸瀾

朱鳳吟

朱鳳失其羣十年不得雙早棲漢宮樹獨啄瑤草芳
羽族雖萬類誰可相頡頏西來見王母假我青鸞皇
翳我上太清飄飄浮雲翔竹實已千載修梧蔽扶桑
窮覽遇八極遨遊仰三光仙遊誠足娛故雖安可忘

喜雨獨酌

振風起西北飄飄撼庭幹長空響存雷驟雨何霖亂
奔騰走蛟龍倒瀉傾河漢倏忽庭除下森漫生波瀾
沾灑遍枯槁翩翹舞沙燕遙嶺合翠微平林鬱蔥蒨
伊余困積熱閒居解簪弁披襟臥北窗橐管辭東觀
嘉此涼霽愜且復屏絳扇開樽聊命觴欣豫以濡翰
同汪雲溪太守李龍洲侍御劉百洲太守錢羅
湖州守岳東潯別駕登懷庾樓

丹樓造天居遐耿靡不周江聲動地轉楚岫與雲浮
索處獨無緒騁呈且銷憂况茲蓮芳月欣賞籍名流
輕煙翳華薄時雨霽芳洲灌木鳥嚶嚶飛鳴求匹儔

景物既蔥蒨嘉會亦綢繆但恐濛汜夕餘光不可留
風塵暗滄海浮雲滿中州目極心如愁顧望但懷愁
且共恣嘯歌身世徒悠悠

修竹篇

孤篠植汶陽鐘籠挺陰崖何似侶幽人結根煙水湄
修枝拂杳靄接葉映連漪陰森野氣積戛擊涼飈吹
朝露綴瓊玖宵月蔭參差水吟蛟龍蟄雲盤鳳鳥儀
永願老煙霞寧知勞歲移但畏伶倫子截此凌霄枝
裁鑒豈不貴所患乖天恣亭臯霜露下淒其卉草衰
願以歲寒操共君搖落時

雨霽遊蕭氏岡亭

端居苦沈鬱振策憩雲林夕雨盈氛埃惠風扇輕陰
以茲景色麗翛然生遠心披榛尋徑曲排雲眺嶠嶽
繆松宿煙靄延蘿挂襟簪江花送餘馥山鳥懷好音
仰欣天宇闊俯視萬卉森洗觴幽樹底長嘯白雲岑
折蒙霏瓊屑濡毫動蘭吟日夕車馬散林塘紫翠沈

七賢咏

余讀晉史七賢傳慨然想見其爲人常嘆以爲微妙
之士貴乎自我履素之軌無取同塗故有謗讟盈於
一世而獨行者不以爲悔沈機晦於千載而孤尚者

不以爲悶斯皆心有所愜遊方之外者也夫幽蘭之
生空谷非歷遐絕景者莫得而采之而幽蘭不以無
采而減其臭和璞之緼玄巖非獨鑒冥搜者誰得而
寶之而和璞不以無識而掩其光蓋賢者之所爲衆
人固不測也况識有修短跡有明晦何可盡喻哉今
之論七賢者徒觀其沈酣恣放哺啜糟漓便謂有累
名教胎禍晉室此所謂以小人之心獨
持繩墨之末議不知良工之獨苦者也嘗試論之易
翼有言天下同歸而殊塗一致而百慮故語默不同
其撰一也弛張異用其肯歸也巢由抗行稷契宣謨

並容於堯代箕子佯狂比干死諍俱獎於宣尼世豈
有異議哉余觀七子皆履冲素之懷體醇和之質假
令才際清明遇適其位上可以亮工弘化贊興王之
業下可以流藻垂芬樹不朽之聲豈欲沈淪滓穢無
所短長者哉而值禪代之朝在玄黃之際當塗之鼎
未移睥竊之謀已熾司馬父子自以人心未厭懼大
業中傾於是芟除異已樹值同盟世家鼎族咸就誅
鋤名德才流並罹荼毒方其豪主狼吞羣才烏盡於
斯時也進欲佐命成功則賈充荀勗之儔七子之所
恥也退欲高蹈遠舉則孤特自表以速患害又七子

之所不爲也自以道高才備深慮不免故放言以晦
貞沈湎以毀質或吏隱於廊廟或泊浮於財利縱誕
任率使世不得而羈焉然其泥蟠淵默內明外穢澄
之不清深不可識豈與世俗之蒙蒙者比乎蟬蛻於
糞溷之中燂然涅而不緇者也其清言名理冲襟逸
度猶足以拔起後生滂漉沉溺彼王澄胡毋彥國之
倫遇旣殊時才復異等而希心玄勝妄意宗流徒竊
皮毛遺其神髓殆所謂畫虎不成反類狗者也世遂
以此詆訶前人因噎恚食豈不枉哉若夫中朝喪亂
胡羯猖狂彼自以負倚之人貽謀不令識者已鑒於

數十載之前矣又豈七子之過耶嗟乎大鵬翔於寥廓斥鷃戲於枋榆鈞天之庭豈工師之所躡無航之津非鼃鮒之所遊世之汨沒於腥羶者固無足道而小儒曲士自守一節又烏可以談尺寸之外哉七子之義幾於晦矣昔司馬子長願執鞭於晏子長卿託名於相如此人皆懸解神契不隨俗之好惡者余竊高七子之節因以暇日叙述遺事各爲短咏以紆其幽致雖不敢謂獨契古心庶亦不移流俗亦冀玄覽達觀君子有以明余之志焉

阮步兵

阮公生人表英才因天啓解角風塵會戢翼雲林裏
從容謝婚媾沈湎混混滓郁彼咏懷言寄辭蘊玄理
稽中散

中散龍鳳姿雅志薄雲漢少無適俗韻早有餐霞願
調高豈諧俗才雋爲身患纏悲幽憤詞結恨廣陵散
山司徒

巨源江海情本欲全高尚蕭洒秉樞軸疇能測弘量
密識旣淵沈清心亦玉亮談笑獎人倫千齡稱哲匠
劉參軍

參軍倣儻客逸氣凌八紘任真蒙叟放慢世長卿情

頌酒固有託荷鍾真達生顧念區中士燕雀空荆榛
王安豐

濬冲夙清拔志與浮雲徂時哉忽遷化緬邈黃公壇
雖有纓板累終知世網踈鑽李豈通蔽持籌乃自汙

向常侍

子期耽玄默山陽蓮心侶南華洩幽秘奧義清泉叶
躡履登承明詭對輕巢許悲涼懷舊篇獨共冤魂語

阮始平

仲容寡名欲越禮自踈放審均非術解達識由神曠
燁美衆所嫉出守情彌暢萬物莫能移斯言誠可諒

夜燕曲

朗朗宵月流爛爛河星光晝樂苦不足夕宴啓高堂
旨酒千春醞瓊筵百福香清管發東謳豔舞進西倡
綺羅紛祿選言笑吐芬芳明珠垂列壁錯落黃金缸
千金壽客飲萬年酌主觴舞華濯朝日桃李熙春陽
月魄不重盈花落豈再揚悟彼蟋蟀歎爲樂及時康
朱光發東白歡虞方未央

怨歌行

步出上東門桃李夾路傍花花自相對葉葉自相當

迢迢蘭渚東綠水雙鴛鴦飛鳴嚙儔匹行上自成行

解二

牽牛不負軌織女虛七襄可憐仙靈匹萬古限河梁

解三

種蓮高山顛枝葉那得長斷綆落銀瓶何由汲寒漿

解四

馳波赴東海晦魄淪宵光盛年若爲容顛顛令心傷

解五

再寄胡劔西二首

昔我遊京華通籍金馬門鏘鏘衆英列璀璨富瑤琨

大君起豫章五色鳴朝暉流藻發春華吐論瀉洪源
伊余信薄劣攀雲仰天閭如彼枋榆翩翩飛附大鵬
省已終日慙偃臥迂丘園却來清江濱三易涼與溫
誰言棲息異契濶有成言流俗薄素交久要古所敦
墳簞不同器和鳴發官商方圭與圓璧俱登君子堂
民生各有性迭用異柔剛羨君倜儻槩千里何昂昂
而我荏弱姿忍垢懼發銛偏智守一隅語默互相妨
通人貴兼畜忘已歸大方韋絃著烟戒黑白耀文章
所願共追琢德音長不忘翳彼他山石可用瑩精光

瀟湘道中

江南佳麗地靈境信隈隩連峰造天關石笋插雲足
我前擁煙霞我後映松竹飛竇洒征衣山光盪人目
朝採碧澗藻夕息清湘曲側想素心人浩歌渺空谷
逸駕如可從吾當謝簪紱

暮宿田家

暝投谷田港野日沈荒岡行子昧所如假息墟里旁
野老喜客至開門下嚴裝坐我茅簷下飯我新炊粱
兒童四五輩趨走行空漿簫笛有餘粒傍舍遶叢篁
攘袂再三起向我誇耕桑體貌雖村愚言語多慷慨
世儒貴苛禮文繹意則涼大美不俟和素質本無章

感此薄流俗側想歌皇唐

謁岳廟作

炎州標靈嶽巋然奠南極與雲翊帝工蔭峰直軫域
千秋儼廟貌邦典祀有秩我來叩幽秘躋雲屢登陟
齋心肅永夜盼壺如可卽髣髴邁真侶排空假羽翼
授我玉持藥光耀有五色瑤草吐雲英金書啓石室
顧慙塵土軀恐負心所憶願言藉神休精誠倘能值

祝融峰

祝融羣峰表律宰萬古雄采虹挂丹磴邈若升蒼穹
舉手捫太微天關洞開通璀璨南斗星坐珠宮我曾

俯瞰六合內沆漭煙雲重浩如太始初二氣涵冲融
須臾湧陽景倒挂扶桑東瀛海不復辯三山安可窮
寄謝馭風子吾將遊混濛

謁晦翁南軒祠示諸同志

兩賢異鄉域千里還相求祇爲戀徒侶能忘路阻修
我行躡遺跡仰見祠屋幽高山近可仰嘉會亦綢繆
祠前堂名嘉會俛首念疇昔戚戚懷殷憂能抱遺俗心賦質
闇且柔屬負負喬嶽有志力不道願我同心侶景行
希令猷消流匯滄海一簣成山丘欲騁萬里途中道
安可畱各勉日新志毋貽白首羞

同貞菴殿下李羅村飲述齋園亭

結侶芳春時置酒忘憂館
旣枉東阿輒復集西臺
彥韶物詎能幾繁花開已爛
芳林啼早鶯雕梁語新鶯
徘徊花林間坐惜流光換
朝遊忘景晏夕遊候宵半
華月麗層穹河星出有燦
四座咸怡豫羽爵行無算
歡追鄴下踪賞挹平臺宴
伊余媿薄劣謬忝同聲聽
開緘旣嘉藻入手明珠璨
勝遊如可續及此陽春旦

人日對雪贈朱鎮山

今日良宴會噓瑄測候移
况逢春風起吹雪下瑤墀
九達密如繡雙闕影離離
煙郊亂晴絮遠樹放華滋

佳此景色麗
嫵婉觀心知
且爲陽春吟
願子驅車遲
驅車雪上飛
下車冰已泮
翹首望嵩高
遙遙隔河縣
仙花行可采
汴柳看應惜
窮谷旣晞陽
東人亦待旦
戀侶徒搖搖
驪駒安可絆
仰攀瓊樹枝
聊以贈纒纒

宿荆門寄懷郢中知舊

秋分氣已厲
原野莽蕭森
我行未越疆
已覺離思深
解轅造山館
山館靄沉沉
朝行畏霜露
夕息憶重衾
飄雪出遠岫
落葉辭故林
已愴物候變
况驚離別心
遠顏曠庭彩
戀侶解朋簪
徂途指有餘
歸鞅杳難尋
引領飛鴻翼
遲雨江上音

獨渡篇

獨渡獨渡羊腸坂曲積羽叢輕轡車折軸彼何者鳥
來往翩翩鳴腐啄腥風驚鷺鷥今非今月錦是張
契狗所吠吠此宵行同行竊金按劍相疑于實不良
畏我子知銜珠向君精光可燭小人在旁猥曰魚目
國士外讓飯漂思韓欲報君恩豈恤人言

新刻張太岳先生文集卷之二

七言古

遼左奏捷

長白山前畫傳箭鮮卑羯兒騎如電軍書昨夜馳樂
浪天子登壇策飛將羽林六郡稱材雄搃金伐鼓
蒲河東左馘名王右生虜歸來血染寶刀紅胡笳吹
落關山月捷書飛報承明闕洗兵遼陽海水沉立馬
天山陣雲沒皇恩已誓五單于小醜那復憂東胡
將軍超距稱雄略制勝從來在廟謨

恭題

文皇四駿圖四首

龍駒

鄭村壩大戰習堂著一箭都指揮丑丑拔箭

天馬徠翼飛龍蹄削玉耳垂筒碧月懸雙頰明星貫
兩瞳 文皇將士盡熊虎復有龍駒助神武流矢當
曾戰不休汗溝血點桃花雨壩上摧鋒第一功策勲
何必減元戎君不見虎士標形麟閣裏龍駒亦入畫
圖中

赤兔

白溝河大戰習堂著一箭都指揮丑失帖木拔箭

雷鉤鉤北軍來赤兔走黃雲開樓身超夾澗策足絕
塵埃白溝原頭振鞞鼓貫陣穿營猛如虎穆王赤驥
詎爲奇昭陵發電應難數百戰間關未解鞍箭瘢遲

向畫圖看只今四海昇平日誰識當年締構難

棗騮

小河大戰智堂一箭後兩曲池一箭安順疾脫火赤拔箭

紫騮馬金絡月朝刷燕晡秣越俶儻精權奇超驤走
滅沒當年萬馬盡騰空就中紫騮尤最雄戰罷不知
身著箭飛來祇覺足生風北風獵獵吹原野長河水
漸血流赭誰言百萬倒戈中猶有彎弧射鈞者

黃馬

宣寧縣大戰後曲池著一箭指揮雞兒拔箭

軒后與龍馬翔駕天駟乘飛黃迴頭看紫鷲顧影失
超光 君王神武古來少萬里煙塵一劒掃馬蹄蹴
處山爲摧何論陳暉與平保揚鞭渡淮淮水清金陵

父老壺漿迎從此華陽伏峻足山河重整泰階平

恭詠 畫鹿四首

鹿濯濯在靈囿崢嶸玉角新點染霜毫秀棒駕應從
西極來御環欲獻南山壽

鹿呦呦食野萍松間求友出泉上引麋行齊宮漢苑
紛相狎豐草長林空復情

鹿麇麇聚中原草香尋宿麝樹暝伴啼猿虞山尚憶
羣遊地梁沼還承顧盼恩

鹿牲牲在中林養茸芳徑暖照影碧溪深上苑不須
驚羽獵 皇仁應有放麇心

太平歌

中興日月開明庭垂衣御宇朝萬靈雞鳴入問龍樓
寢燕坐親談虎視經四時玉燭調元氣萬國梯航皆
遠至雅奏應諧韶護音豫遊不事漫延戲太平之象
復如何五風十雨禾黍多小臣拜手陳無逸願以兢
兢保太和

送勅使閱武

貔貅百萬護神京細柳雲屯大將營雄稱六郡良家
子氣壓三河俠少名我皇中興初復古四海時平
猶整旅巡邊勅使出承明奉詔臨戎來閱武麒麟

麟錦帶佩于將魚鳥分麾躍驪驪環甲林林皆鼓勇
彎弧一一直穿楊軍威萬里播幽朔胡天已見旄頭
落始知頗牧在禁中何事勞師勤遠略

白燕曲四首

白燕飛兩兩玉交輝生商傳帝命送喜傷慈聞有時
紅藥堦前過帶得清香拂繡幃

白燕來呈瑞向瑤臺映日靈姿璨凌風雪翼開春長
花發春宮裏弄影雙飛日幾迴

白燕翔素影落銀塘交飛紅茵蔕遙映紫鸞齊太平
景物先呈兆燕喜年年樂未央

白燕舞日照葵心午輕縠剪躑衣清歌諧細語感德
蹌蹌儀舜庭呈祥蒿蒿來文囿

應制題畫馬二首

五花驄馬青絲絡宣德年中景陵作只今百五十
年餘生氣權奇宛如昨良樂一顧價千金爭似君
王寶愛深非緣愛物圖神駿要識兢兢朽索心
丹青好手曹將軍貌得天閑紫驪匹晨鳧飛燕敢爭
雄絕景超光意俱失漠漠胡沙瀚海秋幾隨漢將見
封侯時清斂却追風足芳草閑眠飲碧流

元夕行

張太岳文集

卷之二

四

今夕何夕春燈明燕京女兒踏月行燈搖珠彩張華
屋月散瑤光滿禁城禁城迢迢通戚里九衢萬戶燈
光裏花怯春寒帶火開馬衝香霧連塵起絃管紛紛
夾道傍遊人何處不相將花邊露洗雕鞍濕陌上風
迴珠翠香花邊陌上煙雲滿月落城頭人未返共道
金吾此夜弛但愁玉漏春宵短御溝楊柳拂銅駝柳
外樓臺禱咲歌五陵豪貴應難擬一夜歡娛奈樂何
年光宛轉不相待遇眼繁華空自愛君不見燕臺向
時歌舞人歌舞不聞明月在

送徐浴泉考績還任

使君來從由谷關獨驂兩鳬翔雲間
君王爲念
父老再借旗旆西來還長安三月春已暮渺渺離亭
暗燕樹念我空多別後思憐君更向來時路太行連
天煙霧多終南西望愁經過莫嗟遠別春明外計日
鵝行聽玉珂

三瑞詩爲嚴相公賦

仙翁來跨兩青龍頭骨豎削而龍從化爲雙竹凌蒼
穹山中夜雨飛龍去唯見孫枝滿舊叢

延恩閣何崇崇下見芝草紛莘莘光曜五色輪困其
中日月所照精英所鍾主人壽考百福隆商雒之歌

安可同

倚嗟蓮誰所移葆盤礴花紛披靈根迴與凡卉異太
華之種爭神奇聯跗共蒂彩燁燁華堂清陰相參差
初疑天孫來雲錦光陸離俄驚弄珠侶濯波江水湄
扶植元因造化功愛護似有神明持君不見秋風江
畔衆芳萎唯有此種方茂蕤

曹紀山督學題老子出關圖見寄謝之

君不見赤鳥東飛寶鼎斜豐宮鎬殿煙塵遮王風寂
寞萎蔓草零國奔騰如亂麻仲尼乘桴泛東海伯陽
西遊度流沙流沙迢迢幾萬里休氣榮光半空紫下

看六合滿塵埃鴻飛却在雲霄裏強畱著述傳後人
鳳毛麟角寧足珍大象由來貴冥契世上言語徒紛
紛君不見田谷關高凌深谷須臾改紫氣青牛竟何
在千年石壁瑣空冥金書玉簡埋光彩苦思大藥駐
朱顏逝水馳光豈相待我昔圖南奮溟渤身逢明
主遊升闕作賦恥學相如工千時實有楊雲拙一朝
骖鸞不得意翩翩歸臥滄江月故人知我烟霞心遙
傳毫素寄雲林看圓髻鬚猶龍而使我跌宕開塵襟
塵襟已消豁世網誰能侵休言大隱沉金馬且弄扁
舟泛碧潯他年紫閣如相憶煙水桃花深更深

贈國子馬生行

馬生年少負雄姿氣凌江海干雲霓二十作賦黃鶴
樓四座驚聽陽春詞由來此曲和者寡眼底紛紛亂
鄭雅鴟鵂跛躄風塵中驂驢伏櫪鹽車下爾來不覺
四十餘有策未獻承明廬南山老棄孟東野渭橋那
識馬相如吹竽自恥投齊好手提雙龍走燕趙縱觀
七澤未足奇彈鋏踰馬長安道長安大道連狹邪五
侯七貴競紛華歌鍾夜晏平陽宅玉樹朝開上苑花
平陽上苑春如織意氣傾人生羽翼眼前空自愛繁
華馬生視此淚沾臆富貴由來苦不常風雲變態如

瞬息不見當年許史家
朱樓綺戶青雲逼一朝
龍虎門祚衰堂前一一
生荆棘乃知世事如短
蓬飄揚倏忽浮雲空丈
夫且知貴適志安能縶
曲生樊籠燕山十月朔
風起挽車欲度桑乾水
翻然長嘆歸滄溟轉望
青山白雲裡煌煌日照
京路塵道傍相送車鱗
鱗驅馬一去不復顧回
頭却笑塵中人

槐溪書屋

澗濱子少年卓犖稱經綸
五言下筆如有神手握
隋和不易售十年閉戶
槐谿濱槐谿繞澗春流
滿靈境向踪兩幽絕載
酒難尋楊子亭尋源豈
識秦人宅三

十作賦登君門鳳凰在笄鶴在軒金花瑤草秘幽室
白石蒼苔空履綦

寶劍篇

君不見昔時歐冶鑄雙劍乃是赤堇之金若耶之銅
玄鼎烹煎自帝髓洪爐鼓鑄炎精融冶開龍虎歛揮
霍青天倏忽飛長虹神物變化世叵測誰知埋沒豐
城側鹿盧剝落苔蘚暗龜藻朦朧土花食忽如赤道
羅妖氛蟾闕金精太陰黑司空仰鑒斗牛精冥漠千
年竟合并刷起幽泉霏雪冷洗開殘暈玉華明握中
科斗深深見匣裏蛟龍夜夜鳴扶風豪士吳門客見

此倉惶喪精魄荆卿匕首色黯淡越國流星氣蕭索
五都聲價詎能測一諾慙慙重想結提攜西向蜀關
道萬里煙塵淨如掃山中野魅走慄慄水底長鯨欲
奔倒至寶由來有冥契烈士得之壯懷抱君不見平
陵男子朱阿游直節不肯干王侯却請上方斬馬劍
拳檻下與龍逢遊丈夫礪礪貴如此何能齷齪泥泥
滓看君側儻有奇槩贈此相逢慰知己尊前舞罷玉
龍飛一道寒光迸江水

呈貴妃發引鼓吹詞附入

靈輅出祖沙河路夜月韜光霜積素綵鸞翔青鳥御

玉簫聲斷空煙霧行雲已飛去欲挽騷車難住天際
蒼蒼陵樹極目傷心處

漢江

漢江東流風作波南船北槳愁經過舟師縮手抱雙
槳對客唱公無渡河襄陽渡頭春可憐襄陽城北花
含煙大堤高樓酒初熟歡吟且駐木蘭船

割股行

割股割股兒心何急捐軀代親尚可爲一寸之膚安
足惜膚裂尚可全父命難再延拔刃仰天肝膽碎白
日慘慘風悲酸吁嗟殘形似非中道苦心烈行亦足

惟我願移此心事君如事親臨危愛困不受死忠孝
萬古多芳聲

雪中東劉生

十日不出風雨繁風號泉枯爭虺喧江頭梅蕊凍不
發欲覓濁醪何處村城南處士索居者四壁寥然對
虛牖桂薪玉粒烏裘敝千金賣文復何卽君不見五
侯酒罍紅燄天氍毹錦帳坐烹鮮閉門不肯學干謁
被褐苦吟誰其憐

雙燕詞

燕燕東南飛翩翩舞衣亂弄影交栖秦帝宮合歡並

入昭陽殿昭陽殿秦帝宮高樓幾處來春風珠簾繡
柱宜朝日翠幌金鋪結晚虹嘯儔還命侶拂翠復翻
紅細語巧隨歌管換芳泥解點杏梁空只愛春光共
流轉寧知搖落秋江晚却憐海鶴與冥鴻翻飛獨傍
孤雲遠

送黃將軍

雉飛不出林鵬舉輕千里男兒所志在四方何用碌
碌困泥滓吾觀黃君風骨殊數奇不合長次且神鷹
豈爲凡鳥顧騏驎終非轅下駒丈夫龍變世叵測風
雲忽動垂天翼灞亭猶識李將軍冷灰復煖韓安國

東市駿馬北市羈酒酣咲拊黃金鞭寶劔平生心
重臨行持贈結交歡

新刻張太岳先生文集卷之二

新刻張太岳先生文集卷之三

五言律

應制荷花詩

液池涵聖澤靈卉吐仙葩
皎潔凝瓊雪輕妍簇綺霞
蟠桃同介壽萱草並敷華
歲歲臨長景呈祥應帝家

應制題百子圖

襁褓鍾慈愛羣嬉悅聖情
眼前看赤子天下念蒼生
雛鳳翩翩舞祥麟隊隊行
百男今有兆太姒在周京
鬢髮詎家子芳林劇戲親
玉繁庭際樹珠弄掌中人

少小看頭角嬉遊總性真應知
皇澤遠麟趾自振

應制題畫四首

牧童騎牛吹笛

是處桑麻好田家樂事同耕健閑白晝牧豎趁春風
短笛乾坤裏長林雨露中命儔還藉草相與說年豐

牧童持鞭

隴上朝朝牧歸來路不迷飲流非避世扣角豈干齊
乍轉松蘿畔還過桃李蹊時清無戰伐縱爾任東西

牧童竿懸蛙蟹

釋却沾塗苦閑來弄釣竿黍禾千頃熟烟雨一簑寒
處處溪流滿山山秋色閑不知田野樂爲向畫圖看
牧牛按拍歌

驅犢行遊遍遙村復近阿亂山秋色暝高樹晚涼多
不識官輸苦焉知帝力何太平無一事按拍且高歌
孝恪皇太后遷祔鼓吹詞一首輓歌十首

鼓吹詞 應天長

赤龍降後登仙早露滿 園陵悲宿草啟 玄宮揚
素旄馳乘蕭蕭風嫋嫋 葆吹千峰遶帳望 慈雲
縹緲白鶴歸來華表鳥啼山月曉

輓歌

毓聖恩無極遊仙夢不歸載逢玄陸改重念紫宮
違帳殿松陰合鈴歌薤露晞永陵原上月今夕見
重暉

憶昔推宮範于今戴母慈渚虹方衍慶風木已興
悲專祀隆周典倍陵備漢儀丹旌遙發處一望一凄
其

虞琴方罷奏湘瑟久含愁班竹無雙汨蒼松共一杯
掖庭春寂寂山殿夜悠悠不盡終天思妻風三月
秋

曉日金山道靈輻向北移祗看雙鳳翼遙度九龍池
日月迴陵谷風雲護羽儀共知明主孝甘露洒瓊
枝

嗣望膺宸極重開正寢園身違天下養名極域中
尊屢輅迴芳甸星軒復紫垣千秋霜露候冠佩肅陵
原

自昔親蠶日盆緣幾度陪春風依舊到仙馭不重
回北隴泉扉啟西郊輩路開綵雲偏有意來去遶
陵臺

梧野營新兆金山從舊封鏡埋長隱鳳劍化自從龍

曉色浮千嶂，清聲起萬松。迴瞻佳氣合，蒼翠瑣居庸。
北極恩長戴，東朝養未伸。月殘長樂夢，花發霸陵春。
典禮遵前古，哀榮及此辰。孝思根聖性，佇望幾傷神。

地應占沙勝，天開夢日祥。一辭丹鳳輦，長返白雲鄉。
月落千峰暝，鳥啼五夜霜。哀榮及泉壤，舜孝仰重光。

德以 器聞著名從玉簡，傳無疆元應地有 子正。
當天遺佩藏丹壑，飛轡入紫烟。高霜露夕，悵望自
年年。

賦得玉河水泮

御溝開凝凍春波遶苑牆碧搖官柳色紅映曉霞光
噴浪知魚躍連雲下鶯行漸看新漲湧幾曲碧流長

閣試秋霽

爽氣澄殘暑晴光滿素秋黃知籬菊淨紅見野楓稠
鴈帶霞光度天連山色浮邊烽昨已熄雲靄望中收

秋夜感懷寄欽之二首

海月稍稍落簷蛩細細吟芙蓉秋色老鼓角夜堂深
峽水遶長笑江魚滯好音踈庸隨畫省燈下媿華簪
遲爾天衢步駸駸藻思豪青藜燃夜火彩筆海秋濤

莫北誇龍種圖南識鳳毛長安春色好不負杏園曹

山月號仍在

蚤夜趨丹陛嚴城聽曙鷄孤鐘長樂轉片月太行
低日氣還照霜華影未迷慈烏驚萬樹歷亂御溝
隄

返照

落日千山暮寒光入薊城虛堂餘樹色御苑亂鴉聲
擁袖僧歸晚開軒客望平鄉關杳何處萬里一含情

送范比部恤刑廣右四首

客舍起騷歌雙旌擁玉珂紫貂衝白雪彩鷁渡黃河

遠布虞廷詔深知禹泣多卽看萬里去把袂柰君
畫省三年績彤墀五色章君恩覃桂嶺使節指
蠻方懷古悲蒼野登臺吊越王更須勤疏草解網答
明光

春色盎金莖春風滿玉京市橋朋酒綠關塞客星明
慨慷青萍劍行過白帝城懸知思舊侶愁聽鳥嚶嚶
卽有同心者寧如君與予過談皆意氣投贈自瓊琚
五夜西曹夢三秋北鴈書梅黃應下峽可得問蓬廬
元夕

銅門今夕夜皎皎徹寒壚不飲杯中酒其如月色孤

鍾聲來御苑火樹滿長衢相逐行吟者安知夜已徂

秋夕省直

涼颼何嫋嫋秋入白雲司爲讀騷人賦翻增旅客思
蟬聲咽高柳暝色下疎籬搖落關山外清笳晚更悲

雙河寺小憩

雲間開梵宇寂寂枕寒流萬劫空中息諸天象外幽
地疑玄度宅河似白鷗洲卽此堪乘興風烟况早秋

送黎封部叅藩廣右二首

尊酒河梁上穠穠夏木陰片帆千里遠一語百年深
去住悲離合乾坤自古今相思何處切纖月到疎林

於爾開青眼相看器自殊
鳳翎 外出劍氣斗邊孤
謝樹憐雙玉雄文重兩都
向來餘古意且得問蒼梧
郊寺送客三首

三旬不出郭衝泥復此過
輕風搖砌草遲日照渠荷
僧飯盤中足禪機物外多
分題有新句投醉客顏酡
郊關頻送客因叩遠公扉
下榻藤花落翻經野鶴歸
諸大開色象層閣入烟霏
欲問無生訣那能遂息機
禪關幽寂甚一到隱心生
禮佛爐烟細烹茶鼎火明
萬緣空裏息半偈靜中清
落日催歸騎依依鐘磬聲

雨中過周比部

客抱苦不愜因君一解顏入廡飛白雨起坐見青山
計日江南發何時漢闕還雙河秋夜月誰與叩禪關
題隱菴遠寄亭

勝地臨江漢危亭架次寥簷陰飛凍雨窗洞引清飈
竹影檀欒密山光碧玉搖仙居不可問渺渺隔丹霄
登仲宣樓二首

一樓雄此郡萬里眼全開孤嶂烟中落長江天際來
看題尋舊跡懷古寄新裁不見操觚者臨風首重回
百雉枕江烟危樓倚碧天望隨雲共沒心與日俱懸
柳暗迷通浦沙明辨遠川登高愧能賦空羨昔人賢

送汪遠峰太史省親二首

紫閣朝陳疏青藜夜輟書里應誇結駟歸及薦江魚
剡曲瞻雲近庭開愛日舒南陔如可績莫爲賦閑居
涇水不人涓此心唯見君但令心共許誰復嘆離羣
別曲聽朝雨歸帆逗海雲握中何所贈雜珮藉蘭薰

咏虎丘圖

野草荒吳殿浮圖出梵天雲霞通海氣樓閣瞰江煙
林暝涵秋色巖懸想瀑泉未能窮遠跡懷古一凄然

孝烈皇后挽歌二首

厚載侔天德勤勞翊帝功詎知鸞馭杳長使鳳樓空

懿範傳中禁遺言愴聖衷仙遊緲何處瞻戀五雲中
鴻號瑤圖啟鸞飛寶鏡沉白雲仙路迫玄寢壽宮深
上食開行殿悲笳度遠岑昭陵空帳望風日晚陰陰
莊敬太子挽歌

鶴馭凌霄漢龍樓鎖寂寥空悲仙路杳無復寢門朝
綺季辭金輅浮丘侍玉霄惟餘鳳笙曲猶逐白雲飄
送張少渠之鄞

客路悲千里離旌指四明風烟連澤國秋雨緩王程
迢遞雙鳬遠翩翩一鶴輕碧雲搖落候相送若爲驚
寄枝江殿下

憶昔趨陪地烟雲入夢多斷蓬辭故土叢桂隱山阿
消息經年阻風塵奈客何梁園誰受簡白雪滿關河

初秋四首

玉琯調商律金飈拂絳紗碧雲宮闕晚丹樹禁城遮
客況看流火邊愁入暮笳無能裁楚賦空自悵年華
花落昭陽暮寒生御液遲碧空浮霽靄黃葉舞輕颺
靜愛潘郎賦情深楚客悲涼風正蕭瑟莫唱漢宮詞
搖落憐鄉思居諸感宦遊尊鱸江國縹砧杵漢宮秋
步月愁看影瞻雲愛倚樓有懷吟不就惆悵晚風颺
寒暄殊景物歲月嘆蹉跎況是天涯客其如秋思何

金莖容露湛碧漢夜涼多獨立蒼茫裏閑愁付短哦
送楊別駕之瀘

去去西征客盤叢路幾千江流通白帝劍道倚青天
解纜驚秋早維舟憶月圓時清官況好不似度瀘年
同李石麓張西吳遊正法寺二首

精舍何崇曠幽林景翳如風生洞戶冷雲度石堂虛
已愜尋幽勝因之慰索居坐深機事息飛鳥狎人裾
廣殿肅陰陰禪堂蘿薜深人疑玄度至地卽遠公林
庭藥澹清影林棲多好音紛紛非所好塵外且娛心
送趙方泉出牧應天二首

繚芥出長安都人擁騎看豺狼當道避鷹隼逼雲梯
蒼轉三山動霜飛六月寒五陵多俠少應借惠文冠
金陵佳麗地樓殿鬱嶙峋龍起恢王業驄鳴出使臣
山川行處勝樽酒別時親去也馳驅日千金慎子身

宿裕州候晴

一雨逼霖潦長途車馬稀霏霏猶合幙暮暮欲侵衣
官舍烏聲寂郡城山色圍結軌候明發沈雲殊未歸
月一懷曹紀山侍御二首

子夜鐘聲徹高秋露氣清海風吹月白流影向人明
笛怨關山遠寒催砧杵鳴不知烏府客茲夕若爲情

孤月生殘夜，盈盈湧玉盤。離人不欲寐，清景共誰看。
魄轉銀河濕，光生草露寒。今宵有歸夢，應遶碧雲端。

送朱文石使楚二首

起草違丹陛，銜綸降紫霄。春原嘶去馬，山館聽鳴
鶴。卸雪歌中盡，江花筆裏飄。會因雙鯉便，莫遣尺書
遙。

雪裏年華改，青門柳又新。可堪長作客，還對欲行人。
驛路啼鶯合，汀洲芳草春。數宵有飛夢，先爾到江濱。

與李義河給諫約遊衡岳不至奉嘲二首

再任山中信，期爲汗漫遊。那知鴻鵠羽，翻爲稻梁謀。

謾解陳徐榻虛同李郭舟雲天愁望汝高駕爲誰留
大鵬有修翰野雉無遠趾分飛既異路會合應難俟
芳洲杜已落江介舟徒艤勗子烟霞心母爲困泥滓

重遊蕭氏園亭二首

不到南塘久鶯聲覺底繁野雲低抱石江氣遠含村
只愛松筠冷寧閑車馬喧相過已無數不必問前源
結構憐幽僻雲門網薜蘿祗愁迷徑術何意屢經過
野食供蔬茗山衣葺芰荷還期卜鄰並時共眎庭柯

送張襄之歸新喻

幽燕倦爲客振袂思故鄉已滄通家恨猶憐別路長

帆逐秋雲迥行寨野杜香鼎山樓隱處還是謝公堂
送石椽

憐汝青雲器蕭曹可頡頏簿書悲骭髀公府失賢良
未假風塵會空瞻日月光誰當垂剪拂萬里必騰驤

半山亭

亭去祝融嶽廟各十五里居山之半

碧落平分竟危亭架沈寥未窮天路盡已覺世塵遠
雲海翻銀浪風篴聽玉簫九關知不遠霞起祝融標
白雲處處滿行子暮何棲不辨幽林色惟聞歸鳥啼
虛巖映靈籟人語隔前溪夜宿莊嚴境明珠照客迷
方廣寺宴坐次念菴先生韻并飲仰懷

幽隱何所託長與薜蘿期聽法過祇苑皈心禮大悲
壑晴雲起處松暝鶴歸時此意人先覺吾來已較遲
訪大方禪僧次念菴先生韻

烟雨曉微微山堂未啟扉花壇分石髓苔壁挂雲衣
揮塵頻聞難停輟已忘歸曹溪一宿後真覺夙心非
送毛青城謫滇南

客有相如倦心耽楊子玄浮名看自薄謫宦轉悠然
別袂分春色題詩隔暮烟從來富詞翰到日百蠻傳
書羅醫師鳳岡卷

攬德呈嘉瑞迴翔憶故居碧梧秋雨老修竹晚烟疎

藥煮琅玕實書街金簡餘九苞有靈胤還見羽儀舒
寄題秀溪

清溪開濬潏飛瀑瀉洪流影向銀河落光涵玉鏡秋
忘機魚鳥狎卷幔水天浮爲問沉冥客仙槎幾度遊

別草堂作

勞勞成徂兩惘惘背雲林自被移文誚誰知棒檄心
庭篁虛宿靄山鳥送餘音莫遽荒三經金門肯陸沉
同望之子文人日立春喜雪二首

暖暖宮雲綬飛飛苑雪來春隨銀箭曉花傍玉樓開
西液流漸滿東方瑞彩迴此時瞻朔氣斥候淨氛埃

信是春風早霏霏滿帝城
冀呈七葉瑞瓊散六花
兵
埤闕朝光迥階庭夜色明
占豐聊共慰和郢媿同聲

成趣園夜讌限韻三首

名園開綺燕藝苑聚文星
共許心期結相看眼倍青
吟爲招鳳曲書作換鶯經
妙論超非相精思出有形
夜深仙籟發疑是躡天庭

秋色泠疎竹秋空點數星
水光浮積素山色漾重青
泛渚驚初到尋源喜再經
鶴馴階下影魚失鏡中形
畫舸輕搖處人稱小洞庭

帝子神仙侶蟠胸燦斗星
奔騰官裏躡俊逸海東青

張太岳文集

卷之三

十二

賦掩曹王作精研莊叟經三田舍內景五岳識真形
自媿風塵客勞勞隔逕庭

送田青丘之南雄兼寄拒山先生二首

銅柱天南郡懷君萬里行海波浮地濶嶺樹入雲橫
風壤甌閩近冠裳錦里榮還家見康樂春草句還成
問訊田夫子風塵阻見期斗山終自仰樗散媿相知
寂寞玄猶白蹉跎鬢易絲徒藏匣裏劍未有報恩時

臨湖曲六首

清瀾湖水西坐望湖水東東西兩相望疑是鏡中光

浩渺鏡湖波香風出菱荷月明山下靜時聽採蓮歌

解二

月出波光碧波澄月影寒輕舟棹兩槩乘月弄潺湲

解三

鼓枻下椒潭驚舠馳桂輿遙聞簫鼓聲鳴鳴隔前浦

解四

鱗衝錦浪翻鷺點蒼烟紗人在水烟中忘機狎魚鳥

解五

徜徉湖水泮湖水卽滄浪詎似鴟夷子扁舟愛渺茫

解六

長

長
卷之六

上三

送徐太學國式歸省

三禮知名久遊雍業更精君能傳戴聖子獨媿陽城
魚膾思親饌鶯聲亂客情漢儀如可就先聘魯諸生

後九月九日賞菊 閣試

兩度逢陽九秋深菊未闌天應留物色花不畏風寒
撲琰香猶細當軒影尚繁尊前愛餘景爲爾更凭欄

馬上見西山

帝里風煙豁西山送翠來芙蓉天外削圖畫望中開
疊嶂環都邑浮光接露臺馬前空仰止佳氣鬱崔嵬

出左掖

獻罷甘泉賦還過彩鳳樓逼霄仙掌濕拂袖御香浮
日戀彤墀影烟涵玉澗秋回看禁城裡宮殿五雲頭

新刻張太岳先生文集卷之三終

張太岳文集

卷之三